

Produkt: Haparandabladet Avdelning: Allmänna-fi

Artikeltyp: 6x50+1 Reporter: Leif Svanberg

Pubdatum: 2016-04-08

Artikel 2106

Leif Svanberg, lång

Ko innotus ja rohkheus sait kaikki onnelisiksi
aurinkonloistheessa

Reisu Tossantörhmään oon perine

TOSSA

**Jäähneenä pyhänä oli täysi vauhti päälä kirkhaassa
aurinkonloistheessa Tossantörmässä**

**Rädda Barnenin vuotunen pyssireisu houkutteli 40
ookaushimosta osalistuijaa.**

**– Kuttu mennee kaikile haaparantalaisile eikä vain Cape
Eastessa asuville, korottaa Ulla Hardelin, innottunnu
johtaja.**

Ilmat ei saattanheet olla paremat ko Rädda Barnen jäähneenä
pyhänä vallotti laskettelutörmän Tossassa Karunkin
länsipuolela.

Kylän Friluftsförbundet tarjosi, nähkääs, pruuvaa-tätä-päivää
törmässä.

– Meilä oli rohki tuuri ilmojen kans ja siittä tuli hyvä niinku
tavalisesti. Lapset ja raahvaat laskit alas paljojen, pulkkien ja
sivakkojen päälä.

Oon hullun soma ko meän uuet haaparantalaiset oon rohkheita
ja innottunheita. Net tohtiva päästää, jokku lankeavva mutta
nouseva, naurava ja jatkava taas menheen. Kaikessa oon iloa
ja sitä oon niin ihmeissä ja impuneerattu, sannoo Ulla
Hardelin, yks monesta johtajista joka tarjosi tätä mainiota
päivää.

Kääntyy kaikkien puohleen

Pyssireisu hommathan kolmatta vuotta ja siitä oon tullu suosittu perine. Hardelin mielestä puuttu vain kaks asiata tästä vauhtikhaasta päivästä.

– Met halvama toelaki tähhään pyssireishuun myötä niin ”vanhaat” ko ”uuet” haaparantalaiset. Se oon niin tärkeätä ja hyvää ette net saava kohata ja oppia tuntheen toisensa. Mutta tänä vuona met emmää saahneet myötä ”vanhoja” haaparantalaisia pyshiin.

Met käänymä kaikkien puohleen, mutta met emmä sauttanheet kaikkia tänä vuona. Ja siitte ei ollu tarpheeksi laskettelusivakoita joilekki raahvaile.

Kiinostus tuottaa puutetavaraa

Hardelin painottaa, ette Karunkin Friluftsförbundet tekkee suurta työtä ja ette förbundet varmasti mielelä ottaa vastaan laskettelurustinkilahjotuksia, jotka tuleva uusien, innottunheitte laskettelijoitten hyöyksi.

– Met olema kans ilosia fiinistä yhtheistyöstä ja yhdessävetämisestä Förbundetin kans. Se toimii vallan hyvin. Met hääymä tehä yhdessä, ei kilpaila.

Paikan päälä oli monta innotettua johtajaa Rädda Barnenista, mutta kans Friluftsförbundetista.

Hardelinin johtajakoleka Heidi Tolvanen oon yhtä tytyväinen kolmen tiiman aurinkoisheen puohhaan törmässä.

– Se oli toelaki sommaa. Förbundetin henkilökunta oli aivan fantastinen. Net sanoit, ette met olema tervetulheiksi vielä useamasti. Täälähään saattaa olla muinaki vuenaikoina. Mökin saapi vuokrata kuka vain.

MEKI Rädda Barnen i backen ny Pirita Jaako, 2016-04-05

15.25

Sidan 1 av 2

Bild: AY6R2679.JPG 42

Kari Pistokoski, namn

FI Vauhtikas kokemus kaikenikäisille...

Bild: AY6R2873.JPG 50

Kari Pistokoski, namn

FI Ylös vain ja uusi yritys Tossantörmässä

MEKI Rädda Barnen i backen ny Pirita Jaako, 2016-04-05

15.25

Sidan 2 av 2

Meänkielennös: Bengt Pohjanen

Ekale: Tossantörmä houkutteli kaikenikäisiä